

## C A P V T V I I I .

*De Ministris Synagogæ extraordinariis,  
qui erant Prophetæ.*

**D**UPLICES erant Prophetæ in veteri Testamento. Aliqui veri, qui à Deo mittebatur: Alij falsi, qui à Deo non mittebantur. Priores, vel vocabantur Prophetæ absolutæ; vel Prophetæ Domini; vel videtæ. Postiores, vel Pseudoprophetæ, vel Prophetæ Baal, vel Prophetæ lucorum. Quibus annumerandæ sunt Pythonissæ. De his omnibus dicam hoc ordine. 1. Quinam fuerint veri Prophetæ in veteri Testamento. 2. quod fuerit illorum officium. 3. quomodo probauerint se à Deo missos. 4. an omnes de Christo prophetauerint. 5. quis illorum fuerit præcipuus, Moyses, an Ioannes Baptista. 6. quomodo intelligendum sit, quod Christus ait in Euangelio: *Omnes Prophetæ usque ad Ioannem.* 7. quomodo verum sit, omnes Prophetas Hierosolymis occisos esse. 8. quinam fuerint falsi Prophetæ. 9. quomodo veri à falsis discernebantur. 10. quid de Pythonissis sentiendum. 11. an etiam in nouo Testamento sint veri & falsi Prophetæ.

Qv a

## QVÆSTIO I.

*Quinam fuerint veri Prophetæ in veteri Testamento?*

1. Respondeo. Hi fuerunt præcipui.
1. Moyses. Num. 12. 6. & Deut. 34. 10.
2. Iosue. Ecclesiastici, 46. 1.
3. Samuel. i. Regum 9. 6.
4. Dauid.
5. Gad. i. Regum 22. 5.
6. Nathan. 2. Regum 7. 2. & 2. Paralip. 9. 29.
7. Ahias Silonites 3. Regum 11. 19. & Paral. 9. 29.
8. Addo. 2. Paral. 9. 29.
9. Michæas, filius Iemla, 3. Regum 22. 8.
10. Helias Thesbites. 3. Regum 17. 1.
11. Helisæus. 3. Regum 19. 16.

Deinde quatuor illi, qui vocantur maiores Prophetæ, quorum nomina sunt hæc. 1. Isaïas, filius Amos. 2. Ieremias, filius Helciæ, de sacerdotibus, qui fuerunt in Anathod. 3. Ezechiel, filius Buzi, Sacerdos. 4. Daniel, qui & Balthasar. Et alij duodecim, qui vocantur minores Prophetæ, ut Osee, Ioël, Amos, Abdias, Ionas, Michæas Morastites, Nahum, Habacuc, Sophonias, Aggæus, Zacharias, Malachias.

2. Quibus addi possunt tres alij, qui vixerunt sub finem veteris, & initium noui Testamenti. Primus Ioannes Baptista, de quo dictum est Luc 1. 76. *Et in puer Prophetæ Altissimi vocaberis.* Secundus Zacharias, pater Ioan. Baptistæ, de quo ibid. v. 67. *Et Zacharias pater illius repleius est Spiritu sancto, et prophetauit*

tant dicens: Benedictus, &c. Tertius, Simeon, de quo Luc. 2.16. Responsum acceperat à Spiritu sancto, non visurum se mortem, nisi prius videret Christum Domini.

3. Præter hos fuerunt etiam aliquot fœminæ Prophetissæ, ut Maria soror Moysis, (Exodi 15. 20.) Et Debora vxor Lapidoth, (Iudicum 4.4.) Et Holda, vxor Sellum filij Thecuæ, (4. Regum 22.14.) & Elizabeth, mater Ioannis Baptista, (Luc. 1.41.) & Anna filia Phanuel de tribu Aser, (Luc. 2.36.) & quatuor filiæ Philippi Diaconi, (Actor. 21.9.) Quibus omnibus præferenda est beata Dei genitrix Maria, quæ prophetauit dicēs:  
*Beatum me dicent omnes generationes, non Gentiliū, Turcarum, Iudæorum; sed verè fidelium.*

4. Quæres: An non fuerint plures Prophetæ veteris Testamēti, quam qui iam enumerati sunt? Videntur fuisse plures. Nam 1. Reg. 10.5. legimus, gregem Prophetarum iussisse obuiam Sauli, postquam à Samuele in Regem vñctus est. Respondeo. Nomen Prophetæ sumitur variis modis in Scriptura. Primò, pro iis qui futura prædicunt. Et hoc sensu nos agimus hīc de Prophetis. Eoru officia paulò post explicabimus. Secundò, pro iis, qui ex peculiari motione Spiritus sancti, Deum laudant in citharis, psalteriis, & cymbalis. Sic sumitur loco citato, ubi Samuel ait ad Saulem: *Obuiam habebis gregem Prophetarum descendientium de celo, & ante eos psalterium, & tympanum, & tibiam, & citharam, ipsosque prophetantes* (id est, Deum laudantes) & insiliet in te spiritus Domini, & prophetabis cum eis, (id est, Deum pariter laudabis.) Sic etiam sumitur Numer. 11.25. ubi de septua-

gin a seniōribus, qui Moysi adiuncti erant, ita legimus: *Cumque requiesceret in eis spiritus, prophetaverunt, id est, Dei laudes celebrarunt.* Et 1. Regum 19.

20. *Qui cum videnter cuneum Prophetarum vaticinantem, & Samuelem stantem super eos, factus est etiam Spiritus Domini in illis, & prophetare cœperunt, & ipsi, id est, Deum laudare. Ita Emanuel Sa ibid. Abulensis & Cornelius Num. 11. 13. Tertiò, pro iis, qui diuino Spiritu, vel Scripturam explicant, vel ad pietatem exhortantur. Sic sumitur 1. Cor. 14.3. Qui prophetat, hominibus loquitur ad edificationem, & exhortationem, & consolationem.*

### Q V A E S T I O I I .

*Quod erat officium Prophetarum in veteri Testamento?*

1. Respondeo. Primarium officium erat do-  
cere, instruere & reformatre populum in  
cultu veri Dei; eumque hoc modo ad Christi ad-  
uentum disponere. Et quidem Moyses docuit po-  
pulum, quando dedit & explicavit illi legem Decalogi, & Deuteronomij. Reliqui Prophetæ, qui  
diuersis temporibus secuti sunt, reformatrunt po-  
pulum; & aberrantem à lege retocarunt in viam.  
Quod spectat illud Ioh. 4.37. *Alius est, qui seminat,*  
& alius est, qui metit. *Ego misi vos mettere, quod vos non*  
*laborastis: alijs laborauerunt, & vos in labores eorum in-*  
*troistis.* Vbi Christus loquitur de Prophetis & Apo-  
stolis. Prophetæ seminauerunt; Apostoli messe-  
runt. Prophetæ laborauerunt; Apostoli eorum  
laboribus fructi sunt. *Quomodo hoc? quia Pro-*  
phetæ,

phetæ , antequam venirent Apostoli, multum laborarunt in erudiendo populo , & eorum corda ad Christum recipiendum prepararunt. Quod si non fecissent , plus laborandum fuisset Apostolis. Vide Origenem , Irenæum , Augustinum, Chrysostomum, & alios apud Maldonatum in illum locum.

2. Huic primario officio annexa erant tria alia. Primum est arguere , reprehendere , & obiurgare eos, qui vel à vero Dei cultu, vel ab aliqua alia diuina lege recederent. Sic Samuel reprehendit Saulem Regem, eo quod non obediuit voci Domini. (1. Regum 15. 19.) Sic Nathan reprehendit Davidem propter adulterium & homicidium. (2. Reg. 12. 9.) Sic Helias populum claudicantem in duas partes. (3. Regum 18. 21.) Daniel duos senes, quod falsè accusassent Susannam de adulterio. (Dan. 13. 52.) & ita deinceps.

3. Alterum est, prædicere futura. Quod siebat dupliciter. Nam Prophetæ aliquando prædicebât futura bona, ad populi consolationem, ut aduentum Messiae, & alia mysteria Redēptionis humani generis. Isa. 7. 14. *Virgo concipiet, & pariet filium, & vocabitur nomen eius Emanuel.* Et cap. 11. 1. *Egredietur virga de radice Iesse, & flos de radice eius ascendet.* Et cap. 14. 1. *Propre est, ut veniat tempus eius, & dies eius non elongabitur.* *M* scribitur enim Dominus Jacob. Et cap. 40. 1. *Consolamini, consolamini popule meus, dicit Deus vester.* Aliquando prædicebant & minabantur futura mala, quæ imminebant populo propter sua peccata, ut famem, pestem, bellum, captiuitatem. Ierem. 1. 14. *Ab aqua lone pandetur malum super omnes habitatores terra.* Et cap. 5. 15. Ecce

ego

ego adducam super vos geniem de longinquo, domus Israël, ait Dominus. Et comedet segetes tuas, & panem tuum: devorabit filios tuos & filias tuas: comedet gregem tuum & armenta tua: conteret urbes munitas tuas, in quibus tu habes fiduciam. Et cap. 19. 3. Ecce ego inducam afflictionem super locum istum, ita ut omnes, qui audierint illam, tinniant aures eius, eo quod delignerunt me. Et infra v. 11. Sic conteram populum istum , & ciuitatem istam, si ut conteriur vas figuli, quod non potest ultra instaurari.

4. Tertium est, Secreta, seu occulta cognoscere. Sic Samuel sciebat omnia, quæ erant in corde Saulis querentis asinas patris sui. (1. Regum 9. 19.) Sic Helias sciebat omnia, quæ a famulo absente erant perpetrata. (4. Regum 5. 25.) Itemque omnia secreta consilia Regis Syriæ. (4. Regum 6. 12.) sic Daniel sciebat occultum somnium Nabuchodonosoris. (Dan. 2. 26.) Hinc obiter colligo, mirum non esse, si Sancti in cælo sciant ea, quæ apud nos geruntur.

### Q V A E S T I O III.

*Quomodo Prophetæ probabant se à Deo missos esse?*

1. **N**ecessè erat, ut Prophetæ, qui dicebant, se immediatè à Deo missos esse , ad reformatum & arguendum populum, certis ac euidentibus signis confirmaret suam missionem ; alioqui populus nō credidisset ipsis, sed pro impostoribus habuisset. Quod fatetur Moyses de scipso. Cùm enim Deus dixisset illi, Exodi 3. 10. *Ven., & mittam te ad*

te ad Pharaonem, ut educas populum meum filios Israël de Aegypto. Respondit Moyses cap. 4. 1. Non credent mihi, neque audient vocem meam, sed dicent: Non apparuit tibi Dominus.

2. Dupliciter autem probabat, se à Deo missos esse. Primo, per miracula. Sic probauit Moyses, quando virgam in serpentem mutauit, aquas Aegypti in sanguinem conuertit; & alia prodigia patravit, quæ plagæ Aegypti appellari solent. Sic Samuel, sic Helias, sicuti Prophetae plures. Luculentum habemus exemplum in Helia, quod est huiusmodi: Tempore Achab Regis fuit disceptatio inter Heliam & Prophetas Baal. Tam hi, quam ille, legitime se missos affirmabant. Quid factum? Helias cōuocato yniuerso populo, qui in duas partes claudicabat, non alio argumento vñus est, quam quod diceret, se suam missionem evidenti miraculo cōfirmare posse; Prophetas Baal non posse. Quod etiam contigit hoc modo: Duo boues in frusta concisi, & super ligna positi sunt in holocaustum: alter pro Helia; alter pro Prophetis Baal. Hi inuocato nomine Dei sui, non potuerunt de cœlo impetrare ignem, quo holocaustum consumeretur. Helias, inuocato Deo Israël, impetravit. Itaque holocaustum ab eo positum, igne de cœlo misso, consumptum est. Quo miraculo permotus populus, Heliam tamquam à Deo missum acceptauit: & Prophetæ Baal veluti impostores, interfici sunt. (3. Regum 18.20.) Omitto similia exempla.

3. Secundo, probabant suam missionem per veracem prædictionem eorum, quæ breui erat euentera. Sic Helias prædictus, tribus proximis annis non fore rorem & pluviā. (3. Reg. 17.1.) Sic Michæas,

chæas, Regem Achab infeliciter pugnaturum in Ramoth Galaad. (3. Regum 22. ver. 17.) sic Helias, post vnum diem fore tantam annonæ vilitatem, vt duo modij hordei emantur uno statere. (4. Reg. 7.1.) Sic Isaïas, proximo anno fore abundantiam frugum; sequenti, pomorum copiam; tertio, plenam messem & vindemiam (cap. 37. 30.) Sic Hieremias breui futurum, vt Nabuchodonozor Rex vastatus sit terram Aegypti (cap. 46.13.) Et quia hæc omnia euenerunt, eo modo, quo ab illis Prophetis dicta sunt; ideo magnam autoritatem sibi conciliatunt. Sicut è contrario, quia non euenerunt ea quæ à falsis Prophetis prædicebantur, nulla illis fides habebatur. Et hoc signo discernendum esse inter veros, & falsos Prophetas, constat ex illo Deutero. 18.21. *Quod si tacita cogitatione responderis: quomodo possum intelligere verbum, quod Dominus non est locutus? hoc habebis signum: Quod in nomine Domini Propheta ille præixerit, & non euenerit, hoc Dominus non est locutus, sed per tumorem animi sui Propheta confinxit, & idcirco non timebis eum.*

4. Vnde D. Hieronymus in cap. 37. Isaiae, super illud: *Tibi auem hoc erit signum, sic scribit: Idcirco vel maximè Prophetæ apud populum habebant fidem, quia non solum de his, que multa post secula futura erat, sed etiam quæ incontinenti, & post non grande temporis spatium essent implenda, memorabant: vi quod intra biennium Rex Assyrus intervet, & urbi Ierusalem securitas redderetur.*

5. Et Rupertus in Prologo in Oseam: *Cùm Prophetæ mitterentur ad pronunciandum de longinquo Christi aduentum, simul etiam de propinquo datum*

vel iniunctum est illis , prophetae illud , in quo ci-  
tius veraces comprobari possent . scilicet imminorem ab  
Assyriis Israeli captiuitatem ; nemus instanter Iude quo-  
que Babylonis transmigrationem , & præterea nonnulla  
eiam minoria , qua literis eorum legimus inserta . Cum igi-  
tur ciuo venisset captiuitas seu transmigratio illa , sicut per  
illos veritas prophetica prædixerat , palam constituit , quod  
veraciter fuissent locuti in nomine Domini , & quod  
Dominus misisset eos . Atque ita completa Prophe-  
tie pars , illud quoque , quod reliquum vel maximum  
erat de promissione & aduentu Messie , verum fore con-  
uincebat .

## QVÆSTIO IV.

*An omnes Prophetæ veteris Testamenti de  
Christo prophetauerint?*

1. R Epondeo . Omnes vel clare , vel obscure  
de Christo vaticinati sunt . Quod genera-  
tim colligi potest ex duobus scripturæ testimo-  
niis . Vnum est Lucæ 1. 68 . Benedictus Dominus  
Deus Israël , quia visitavit , & fecit redemptionem  
plebi sue . Et erexit cornu salutis nobis , in domo Da-  
uid pueri sui : Sic ut locutus est per os Sanctorum , qui  
a seculo sunt prophetarum eius , id est , Deus prædi-  
xit per omnes prophetas , qui fuerunt ab initio  
mundi , venturum Redemptorem ex familia Da-  
uid . Alterum , Lucæ vigesimo quarto , versu vi-  
gesimo septimo . Et incipiens ( Christus ) à Moysi  
& omnibus Prophetis interpretabatur illis in omnibus  
scripturis , qua de ipso erant .

2. Spe

## De Ministris Synagogæ extraordiuariis. 175

2. Speciatim vero potest sic ostendi . Prophe-  
tia duplice fieri solet . 1. verbis . 2. signis vel fi-  
guris . Igitur aliqui Prophetæ verbis de Christo  
vaticinati sunt : aliqui signis & figuris . Priori mo-  
do Moyses . Deuteron . 18. 15 . Prophetam de gente tua ,  
& de fratribus tuis , sicut me suscitabit tibi Dominus  
Deus tuus : ipsum audies . ( vide Act . 3. 22 . ) Dauid ,  
Psalmo 15. 10 . Non derelinques animam meam in  
inferno : nec dabis Sanctum tuum videre corruptio-  
nem ( Act . 2. 31 . ) Et Psalmo 95. 13 . Indicabit orbem  
terra in equitate , & populos in veritate sua . Et Psal .  
8. Adorate eum omnes Angelis eius . Hebr . 1. 6 . Et Psal .  
109. 1 . Dixit Dominus Domino meo : Sede à dextris  
meis : donec ponam inimicos tuos scabellum pedum tuo-  
rum . Matth . 22. 42 .

3. Isaías cap . 7. 14 . Ecce virgo concipiet , & pa-  
riet filium , & vocabitur nomen eius Emmanuel .  
( Luc . 1. 31 . ) Et cap . 35. 4 . Deus ipse veniet , & salua-  
bit vos . Tunc aperientur oculi cœcorum , & aures sur-  
dorum patibunt . Et cap . 44. 3 . Effundam aquas  
super suitem & fluentem super aridam . Et cap . 53. 4 .  
Verè languores nostros ipse tulit , & dolores nostros  
ipse portauit . Et infra : Oblatus est , quia ipse voluit ,  
& non aperuit os suum : Sicut ovis ad occisionem du-  
cetur , & quasi agnus coram tondente se obmutescet .  
Et infra : Cum sceleratis reputatus est : & ipse pecca-  
ta multorum tulit , & pro transgressoribus roganit . Luc .  
22. 37 .

4. Ieremias cap . 23. 5 . Ecce dies ventunt , dicit  
Dominus : & susciabo Dauid germen iustum ; & regna-  
bit Rex . & sapiens erit : & faciet iudicium & iusticiam in  
terra . Et cap . 32. 22 . Creavit Dominus nouum super ter-  
ram , fœmina circumdabit virum .

N 2

5. Eze

5. Ezechiel cap. 32. 7. Et operiam, cum extinctum fueris, celum, & nigriscere faciam stellam eius: solem nube tegam, & luna non dabit lumen suum.

6. Daniel cap. 9. 24. Septuaginta hebdomas abbreviata sunt super populum tuum, & super urbem sanctam tuam, ut consumereur praevaricatio, & finem accipias peccatum, & deleatur iniquitas, & adducatur iustitia sempiterna, & impleatur visio & prophetia, & vngatur Sanctus Sanctorum.

7. Osee cap. 6. 3. Vinificabit nos post duos dies: in die tertia suscitabit nos. Et cap. 11. 1. Ex Aegypto vocavi filium meum. Et cap. 13. 14. De manu moris liberabo eos, de morte redimam eos: ero mors tua, ô mors, morsus tuus ero, inferne.

8. Ioël cap. 2. 28. Et erit post bac: effundam spiritum meum super omnem carnem, & prophetabunt filii vestri, & filiae vestre.

9. Amos cap. 9. 11. In die illa suscitabo tabernaculum David quod cecidit; & readiscabo aperturas murorum eius, & ea qua corruerant, instaurabo. Acto. 15. 16.

10. Michæas cap. 5. Et in Bethelehem Ephra-ia parvulus es in millibus Iuda: ex te mihi egredietur, qui sit Dominator in Israël, & egressus eius ab initio, a diebus aeternitatis (Matth. 2. 6.) Et cap. 7. 6. Filius consumeliam facit Patri, & Filia consurgit aduersus matrem suam, natus aduersus socrum suum: & inimici hominis domestici eius. Ego autem ad Dominum afficiam, expectabo Deum salvatorem meum. Matth. 10. 35.

11. Nahum cap. 1. 15. Ecce super montes pedes euangelizanis & annuncianis pacem. (Rom. 10. 15.)

12. Habacuc cap. 2. 3. Adhuc visus procul, & apparebit in finem, & non memetur. Si moram fecerit, expecta illum, quia veniens veniet, & non tardabit.

13. Sophonias cap. 3. 14. Lauda filia Sion: imbila Israël: latare, & exulta in omni corde filia Ierusalem. Abstulit Dominus iudicium tuum, auerterit inimicos tuos: Rex Israël Dominus in medio tui, non timebis malum ultra. Et ibid. Dominus Deus tuus in medio tui fortis, ipse saluabit.

14. Aggæus cap. 2. 7. Hoc dicit Dominus exercituum: Adhuc unum modicum est, & ego commonebo celum & terram, & mare & aridam. Et mouebo omnes gentes: & veniet desideratus cunctis gentibus.

15. Zacharias cap. 2. 10. Lauda & latare filia Sion: quia ecce ego venio, & habitabo in medio tui, ait Dominus. Et cap. 3. 9. Ecce ego adducam seruum meum orientem. Et cap. 12. Ecce vir, oriens nomen eius. Et cap. 8. 3. Hoc dicit Dominus exercituum: Reuersus sum ad Sion, & habitabo in medio Ierusalem: & vocabitur Ierusalem ciuitas veritatis. Et cap. 9. 9. Ecce Rex tuus veniet tibi iustus & Saluator: ipse pauper & ascendens super asinam, & super pullum filium asinæ. Et cap. 11. 12. Et appenderunt mercudem meam triginta argenteos. Et cap. 12. 10. Effundam super domum David, & super habitatores Hierusalem spiritum gratia & precum: & aspicient ad me, quem confixerunt. Et cap. 13. 7. Percue pastorem, & dispergerunt oves.

16. Malachias cap. 1. 11. Ab ortu solis usque ad occasum, magnum est nomen meum in gentibus, & in omni loco sacrificatur, & effertur nomini meo obla-

tio munda. Et cap. 3.1. Ego mitto Angelum meum, & preparabit viam ante faciem meam. Et statim veniet ad templum suum Dominator, quem vos queritis, & Angelus testamenti, quem vos vultis. Et cap. 4.2. Orientur vobis rimentibus nomen meum, Sol iusticie.

17. Posteriori modo, nempe per signa & figuratas, multi Prophetæ de Christo vaticinati sunt. Primò, Ionas cap. 2.1. Erat Ionas in ventre piscois tribus diebus, & tribus noctibus. Secundò omnes illi, qui prædixerunt Iudæis liberationem ex captiuitate Babylonica; qua erat figura liberationis totius mundi, qua Christus nos erat liberaturus à captiuitate peccati. Tertiò omnes illi, qui expresserunt typum vel figuram Christi, sive quoad incarnationem, sive quoad mortem & passionem, sive quoad resurrectionem, sive quoad alia mysteria. De quibus videri potest Prosper in libro de Prædictionibus.

### Q V A E S T I O V .

*Quis fuerit præcipuus omnium Prophetarum veteris Testamenti?*

1. **A** liqui Moysen, alijs Ioannem Baptistam præferunt. Vterque enim habet peculia-  
re testimonium suæ eminentiæ. Moyses quidem, Num. 12. 6. Si quis fuerit inter vos Propheta Domini, in visione apparebo ei, vel per somnium loquar ad illum. At non talis seruus meus Moyses, qui in omni domo mea fidelissimus est. Ore enim ad os loquor ei: & palam, & non per anigmata, & figuratas Do-  
minum

De Ministris Synagogæ extraordinariis. 179  
minum videt. Ioannes verò, Matth. 11. versu 9. vbi Christus de illo loquitur: Sed quid existis videre? Prophetam? Etiam dico vobis, & plus quam Prophetam.

2. Respondeo. Moyses fuit præcipuus, non quidem simpliciter & omni modo, sed in duplice sensu. Primò, quia Deus loquebatur illi facie ad faciem, sicut amicus amico loquitur; reliquis non item, vt constat ex testimonio allato. Et hæc comparatio procedit de Moysi, & aliis Prophetis, excludendo Ioannem Baptistam, iuxta ilud: *Lex & Prophetæ usque ad Ioannem.* Secundò, quia in multis gessit typum, seu figuram Christi, vt prolixè explicatum est cap. 6.5.7.

3. Nihilominus aliqui alij Prophetæ, ex alia parte, præferendi sunt Moysi. Nam Isaías plura de Christo in particulari vaticinatus est, quam Moyses. Ioannes Baptista non venturum, vt Moyses, sed præsentem annunciat: *Ecce agnus Dei, ecce qui tollit peccata mundi.* Nota: Tria de Ioanne Baptista legimus. 1. quod fuerit Propheta. 2. quod non fuerit Propheta. 3. quod fuerit plus quam Propheta. Primum asseruit Zacharias pater eius, Luc. 1.76. *Et tu puer, Propheta Altissimi vocaberis.* Alterum asseruit ipse. Cùm enim interrogaretur a Sacerdotibus: *Propheta es tu?* Respondit: *Non sum.* Tertium asseruit Christus: *Quid existis videre? Prophetam? Etiam dico vobis, & plus quam Prophetam.* Quæ omnia benè inter se cohærent. Fuit enim Propheta, quia spiritu propheticō agnouit Christum, nemine indicante. Non fuit Propheta, quia non erat Propheta more aliorum, qui de Christo longè post venturo

vaticinabantur. Fuit plus quam Propheta, quia reliqui Prophetæ ad homines; Ioannes ad ipsum Christum missus est. Vnde peculiari modo de illo prædictis Deus per Malachiam cap.3.1. *Ecce ego mittio Angelum meum, & preparabit viam ante faciem meam.* Est enim Angelus, non qualiscunque, sed missus ante faciem Christi; quod de aliis Prophetis dici non potest. Vide Maldonatum in cap.11. Matth. vers.10.

## QVÆSTIO VI.

*Quomodo intelligendum sit illud Christi; omnes Prophetæ usque ad Ioannem?*

1. **R**atio dubitandi est, quia etiam post Ioannem fuerunt aliqui Prophetæ, ut Ioannes Euāgelistā, Paulus, Agabus, & alij, de quibus quēstione undecima dicendum est. Respondeo. Verba Christi sunt hæc, Matth.11.13. *Omnes enim Prophetæ, & lex usque ad Ioannem prophetauerunt.* Quorum verborum varia est explicatio: sed duæ præcærteris probabiliores. Vna, Christum loqui de omnibus Prophetis veteris Testamenti, qui Ioannem & Christum præcesserunt. Ut hic sit sensus: Omnes Prophetæ veteris Testamenti prædixerunt Christum venturum: Ioannes fuit primus, qui præsentem annunciat. Ita Chrysostomus, Hieronymus, Beda, Euthymius. Altera, legem & Prophetas usque ad Ioannem prophetasse, id est, viguisse, vim habuisse, officio suo functos esse, durasse. Ita Maldonatus. Et hoc colligit ex antitheto, quod sequitur: *A diebus autem Ioannis Baptista*

*De Ministris Synagogæ Extraordinariis.* 181  
priſta regnum cælorum vim patitur. Vbi regnum cælorum opponitur legi & Prophetis, id est, nouum Testamentū opponitur veteri. Ut hic sit sensus: Lex & Prophetæ viguerunt usque ad Ioannem Baptistam: At à tempore Ioannis Baptistæ incepit Euangelium, seu nouum Testamentum.

2. Dices: Lex duravit etiam post Ioannem Baptistam, quia non fuit abrogata, nisi per mortem Christi. Respondeo. Illa particula, *usque ad Ioannem*, non significat, usque ad nativitatem Ioannis, quasi tunc lex abrogata sit: sed usque ad prædicationem Ioannis, quia tunc cœpit paulatim deficere, sicut tenebræ paulatim deficiunt, quando aurora accedit. Verum tamen est, non fuisse penitus abrogatam, nisi per mortem Christi, ut cap. 6. quæst. 2. §. 6. dictum est.

## QVÆSTIO VII.

*An verum sit, omnes Prophetas Hierosolymis occisos esse?*

1. **R**atio dubitandi sumitur ex verbis Christi Lue.13.33. *Non capit prophetam perire extra Hierusalem.* Græcè est, ἀνέβατε, id est, non contingit, seu impossibile est, occidi aliquem Prophetam extra Hierusalem. Quod tamen non videtur verum. Primo, quia Ieremias in Ægypto, Ezechiel in Chaldæa occisi sunt, ut testatur Epiphanius in eorum vitis, & Dorotheus in synopsi. Secundo, multi Prophetæ occisi sunt à Iezabel in Samaria, ut habetur 3. Reg.19.10.

N 5

2. Respon